

**UDRUŽENJE POSLODAVACA U FEDERACIJI BIH  
MULA MUSTAFE BAŠESKIJE 12/III  
S A R A J E V O**

Sarajevo, 26.01.2010.godine

## **ZAPISNIK**

sa **16 sjednice Upravnog odbora Udruženja poslodavaca u FBiH** održane **dana 26.01. 2010. godine**, sa početkom u **11:00 sati** u **prostorijama«ASA-HOLDING» ( Bulevar Meše Selimovića 16.)** u Sarajevu.

**Sjednici su prisustvovali:** gđin. Mladen Pandurevića, gđin. Suad Suljić ( po ovlaštenju gđina. Amira Sušića), g-din. Predrag Čović, gđin. Amir Jahjaefendić, g-din Marinko Katava, gđin. Mustafa Isabegović, gđa. Silvana Marić, gđin. Mirsad Čolaković, gđin. Fehim Škaljić, gđin. Eldin Brčaninović, gđin. Hasan Bećirović, gđin. Valjevac Nihad, gđa. Poplata Fadila (po ovlaštenju gđina. Hameda Šivšića) i gđin. Osman Hasanbegović ( po ovlaštenju gđina. Amera Jerlagića).

**Sjednici nisu prisustvovali:** gđa. gđin. Nihad Imamović, Azema Mulasmajić, gđin. Adem Ibrahimpašić, gđin. Nuko Grebović i gđin. Milorad Krunić koji su opravdali svoj izostanak.

**Sjednici su prisustvovali po dužnosti:** gđin. Alija Remzo Bakšić.

Uvodnu riječ dobrodošlice članovima Upravnog odbora uputio je potpredsjednika U.O. gđin. Mladen Pandurević i predložio sljedeći:

### **DNEVNI RED**

1. Usvajanje zapisnika sa 14. i 15. sjednice UO;
2. Usvajanje Izvještaja o izvršenim zaključcima sa 15. sjednice UO UPFBiH- izvijestilac Alija Remzo Bakšić;
3. Informacijama o zaključcima sa prethodne sjednice ESV-a i rasprava o predloženim materijalima po svim tačkama dnevnog reda za 66-u sjednicu ESV-a sa prijedlogom zaključaka – izvijestilac Mladen Padndurević;
4. Informacija o Zakonu o fiskalnim sistemima-izvijestilac Mladen Pandurević;
5. Informacija o sastanku sa direktorom Inspektorata FBiH - izvijestilac Mladen Pandurević;
6. Rasprava o Prijedlogu Općeg kolektivnog ugovora za teritoriju FBiH - izvijestilac Mladen Pandurević;
7. Informacija o protokolu o saradnji sa Zavodom za zapošljavanje FBiH –izvijestilac Remzo Bakšić;
8. Rasprava i utvrđivanje datuma za održavanje IX Redovne Skupštine Udruženja poslodavaca u FBiH.
9. Tekuća pitanja

**Dnevni red je u potpunosti usvojen.**

### **RASPRAVLJANJE PO TAČKAMA DNEVNOG REDA:**

#### **Tačka 1 : Usvajanje zapisnika sa 14. i 15. sjednice UO;**

Gđin. Mladen Pandurević je upoznao prisutne sa ovom tačkom dnevnog reda i dao zapisnike na usvajanje.

**ZAKLJUČAK:** Obzirom da nije bilo primjedbi, zapisnici sa 14. i 15. sjednice UO su jednoglasno usvojeni.

## Tačka 2: Usvajanje Izvještaja o izvršenim zaključcima sa 15. sjednice UO UPFBiH

Gdin. Bakšić je izvjestio prisutne o izvršenim zaključcima sa 15. sjednice UO UPFBiH

**ZAKLJUČAK:** Izvještaj o izvršenim zaključcima je u potpunosti jednoglasno usvojen.

## Tačka 3. Informacijama o zaključcima sa prethodne sjednice ESV-a i rasprava o predloženim materijalima po svim tačkama dnevnog reda za 66-u sjednicu ESV-a sa prijedlogom zaključaka;

Gdin. Predrag Čović je izvjestio prisutne o zaključcima sa prethodne sjednice ESV-a i o predloženom dnevnom redu za 66. sjednicu ESV-a te otvorio raspravu.

U raspravi su učestvovali svi prisutni koji su kritikovali Vladu zbog neispunjavanja obaveza preuzetih potpisivanjem Programa mjera za ublažavanje posljedica globalne ekonomske krize. Također svi prisutni su učestvovali u diskusiji vezano za dnevni red za 66. sjednicu ESV-a.

**ZAKLJUČAK:** Zaključeno je da se hitno zahtjeva održavanje tematske sjednice Ekonomsko socijalnog vijeća na kojoj će se raspravljati o Programu mjera za ublažavanje posljedica globalne ekonomske krize. Na pomenutoj sjednici će se također zatražiti obrazloženje Vlade FBiH zbog čega nisu ispunjeni zahtjevi Udruženja poslodavaca u FBiH. Također je zaključeno da se UPFBiH pismeno javno obrati RTV emiterima i da se zahtjeva emisija u kojoj bi bila otvorena debata o stanju bh privrede u koju trebaju da budu uključeni predstavnici Udruženja poslodavaca, komora, Vlade FBiH i sindikati.

Vezano za dnevni red za 66. sjednicu ESV-a zaključeno je da delegacija UPFBiH u ESV-u zahtjeva da se sa dnevnog reda sjednice skine tačka „ Rasprava o Programu Vlade FBiH 2010“ obzirom da materijali za ovu tačku dnevnog reda nisu na vrijeme dostavljeni.

## Tačka 4. Informacija o Zakonu o fiskalnim sistemima-izvjestilac Mladen Pandurević;

Vezano za ovu tačku dnevnog reda gdn. Mladen Pandurević je informisao prisutne članove UO, da iako je Prijedlog pomenutog zakona dostavljen svim članovima UO, da osim primjedbi koje je uputio Centrotans eurolines niko od ostalih članova nije dao konkretne primjedbe te je u zamolio sve članove da dostave svoje primjedbe.

**ZAKLJUČAK:** Zaključeno je da se formira radna grupa koja će razmotriti dostavljene primjedbe i pripremiti konačan tekst primjedbi. Primjedbe će biti na usvajanju na sljedećoj sjednici UO i usvojene primjedbe će se potom uputiti Vladi FBiH i resornom Ministarstvu finansija FBiH.

## Tačka 5. Informacija o sastanku sa direktorom Inspektorata FBiH - izvjestilac Mladen Pandurević;

Gdin. Mladen Pandurević je upoznao prisutne članove UO o razgovorima koji su vođeni između gdn. Ibrahima Tirka, direktora Inspektorata FBiH, gdn. Pandurevića i gdn. Bakšića.

**ZAKLJUČAK:** Zaključeno je da se do kraja mjeseca organizuje sastanak delegacije UO i predstavnika Inspektorata FBiH.

## Tačka 6. Rasprava o Prijedlogu Općeg kolektivnog ugovora za teritoriju FBiH - izvjestilac Mladen Pandurević;

Gdin. Pandurević je obavijestio prisutne članove UO da je radna grupa u sastavu: Mladen Pandurević, Azema Mulasmajić, Silvana Marić i Mersiha Kurspahić razmotrila primjedbe koje su dostavljene od Arcelor Mital, Natron Hayat i Jas Komerc Livno. Radna grupa je pažljivo razmotrila primjedbe i utvrdila definistivni tekst Prijedloga Opšteg kolektivnog ugovora za teritoriju FBiH koji je uputila Savezu

samostalnih sindikata BiH sa zahtjevom da se započnu pregovori sa ciljem utvrđivanja konačnog teksta.

**ZAKLJUČAK:** Zaključeno je da se tekst Prijedloga Opšteg kolektivnog ugovora dostavi Vladi FBiH i Ekonomko socijalnom vijeću sa zahtjevom da se uvrsti na dnevni red za sljedeću sjednicu ESV-a.

**Tačka 7. Informacija o protokolu o saradnji sa Zavodom za zapošljavanje FBiH –izvjestilac Remzo Bakšić;**

Gdin. Bakšić je obavijestio prisutne članove UO o Protokolu o saradnji predloženom od strane Zavoda za zapošljavanje FBiH, te zamolio UO da se izjasni po pitanju potpisivanja Protokola.

**ZAKLJUČAK:** Upravni odbor daje saglasnost za potpisivanje Protokola saradnje između Udruženja poslodavaca FBiH i Zavoda za zapošljavanje FBiH.

**Tačka 8. Rasprava i utvrđivanje datuma za održavanje IX Redovne Skupštine Udruženja poslodavaca u FBiH.**

Gdin. Bakšić je obavijestio prisutne da u martu mjesecu ističe period od godinu dana od posljednje redovne Skupštine te predložio da se u drugoj polovini mjeseca marta održi IX redovna Skupština Udruženja poslodavaca u FBiH.

**ZAKLJUČAK:** Prisutni članovi UO su jednoglasno podržali prijedlog gdina. Bakšića. Zadužuje se Stručnu službu Udruženja poslodavaca FBiH da pripremi materijale.

**Tačka 9. Tekuća pitanja**

Pod tekućim pitanjima nije bilo prijedloga.

Zapisnik sačinio:  
Alija Remzo Bakšić

Predsjednik UO UPFBiH  
Nihad Imamović, s.r.